

ქალაქ ბათუმის მუნიციპალიტეტის საკურებულოს  
განკარგულება №

— თებერვალი, 2020 წელი

ქალაქი ბათუმი

ქალაქ ბათუმის მუნიციპალიტეტის საკუთრებაში რეგისტრირებული,  
ქ. ბათუმში, გოგოლის ქ. N1-ში მდებარე უძრავი ქონების აჭარის ავტონომიური  
რესპუბლიკისათვის უსასყიდლოდ, საკუთრების უფლებით გადაცემის შესახებ

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის  
მე-2 პუნქტის „ბ“ ქვეპუნქტის და 108-ე მუხლის შესაბამისად ქალაქ ბათუმის მუნიციპალიტეტის  
საკურებულომ გ ა დ ა წ ყ ვ ი ტ ა:

1. აჭარის ავტონომიურ რესპუბლიკას უსასყიდლოდ, საკუთრების უფლებით გადაეცეს ქალაქ  
ბათუმის მუნიციპალიტეტის საკუთრებაში რეგისტრირებული, სსიპ სახელმწიფო ქონების ეროვნული  
სააგენტოს 2020 წლის 16 იანვრის №1/1-266 ბრძანებით ქალაქ ბათუმის მუნიციპალიტეტისათვის  
დამატებითი ქონების სახით საკუთრებაში გადმოცემული, ქ. ბათუმში, გოგოლის ქუჩა N1-ში მდებარე 107  
კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული შენობა-ნაგებობა N1  
საერთო ფართით 112,16 კვ.მ. (მ.შ. I სართული - 54,04 კვ.მ., II სართული - 58,12 კვ.მ.), (მიწის (მრავი ქონების)  
საკადასტრო კოდი: N05.29.17.081).

2. ეთხოვოს აჭარის ავტონომიური რესპუბლიკის ფინანსთა და ეკონომიკის სამინისტროს  
უზრუნველყოს წინამდებარე განკარგულების პირველი პუნქტით უსასყიდლოდ საკუთრების უფლებით  
გადაცემული უძრავი ქონების საჯარო რეესტრში აჭარის ავტონომიური რესპუბლიკის საკუთრებაში  
რეგისტრაცია.

3. წინამდებარე განკარგულება შეიძლება გასაჩივრდეს ბათუმის საქალაქო სასამართლოში (მის:  
ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი  
თვის ვადაში.

4. განკარგულება ძალაშია ხელმოწერისთანავე.

საკურებულოს თავმჯდომარე

სულიკო თებიძე

პროექტის სახელწოდება და სათაური

ქალაქ ბათუმის მუნიციპალიტეტის საკუთრებაში რეგისტრირებული,  
ქ. ბათუმში, გოგოლის ქ. N1-ში მდებარე უძრავი ქონების აჭარის ავტონომიური  
რესპუბლიკისათვის უსასყიდლოდ, საკუთრების უფლებით გადაცემის შესახებ  
განკარგულების პროექტი

ა) ზოგადი ინფორმაცია პროექტის შესახებ

ა.ა) პროექტის მიღების მიზეზი და მიზანი:

ქ. ბათუმის მუნიციპალიტეტის მერიას 2020 წლის 20 თებერვალს #343/02 (№3684/25) წერილით  
მომართა აჭარის ავტონომიური რესპუბლიკის მთავრობის თავმჯდომარემ რომელშიც აღნიშნულია, რომ  
„სახელმწიფო/აჭარის ა.რ./ადგილობრივი თვითმმართველობის საკუთრებაში არსებული და ფიზიკური  
პირების მიერ საცხოვრებელ სადგომად გამოყენებული საცხოვრებელი და არასაცხოვრებელი ფართების  
შემსწავლელი შერეული სამთავრობო კომისიის“ 2019 წლის 11 აპრილის საქმო გადაწყვეტილების  
თანახმად (რეკომენდაცია #15), აჭარის ავტონომიური რესპუბლიკის ფინანსთა და ეკონომიკის სამინისტროს  
ეთხოვა, განახორციელოს სახელმწიფო საკუთრებად რეგისტრირებული, ქ. ბათუმში, გოგოლის ქუჩა N1-ში  
მდებარე 107 კვ.მ. არასასოფლო-სამეურნეო დანიშნულების მიწის ნაკვეთის და მასზე განთავსებული  
შენობა-ნაგებობის N1 საერთო ფართით 112,16 კვ.მ. (მ.შ. I სართული - 54,04 კვ.მ., II სართული - 58,12 კვ.მ.),  
(მიწის (მრავი ქონების) საკადასტრო კოდი: N05.29.17.081) აჭარის ავტონომიური რესპუბლიკის  
საკუთრებად რეგისტრაციისთვის საჭირო, კანონმდებლობით გათვალისწინებული ღონისძიებების  
გატარება.

სსიპ სახელმწიფო ქონების ეროვნული სააგენტოს 2020 წლის 16 იანვრის #1/1-266 ბრძანებით  
აღნიშნული უძრავი ქონება საკუთრებაში გადმოეცა ქალაქ ბათუმის მინიციპალიტეტს. მოქმედი  
კანონმდებლობის შესაბამისად, მუნიციპალიტეტი არ არის უფლებამოსილი განახორციელოს,  
მუნიციპალურ საკუთრებად რეგისტრირებული უძრავი ქონების პირდაპირი წესით განკარგვა, აქედან  
გამომდინარე აჭარის ავტონომიური რესპუბლიკის მთავრობა ითხოვს ზემოაღნიშნული უძრავი ქონების,  
იქ მცხოვრებ მოქალაქებისათვის საკუთრების უფლებით გადაცემის მიზნით, აჭარის ავტონიმიური  
რესპუბლიკის საკუთრებაში გადაცემას.

ქ. ბათუმის მუნიციპალიტეტის მერია მიზანშეწონილად მიიჩნევს ზემოთაღნიშნული აღნიშნული  
უძრავი ქონების აჭარის ავტონომიური რესპუბლიკისათვის უსასყიდლოდ, საკუთრების უფლებით  
გადაცემას, შემდგომში იქ მცხოვრები ოჯახებისთვის საკუთრების უფლებით გადაცემის მიზნით.

ა.ბ) პროექტის ძირითადი არსი:

წინამდებარე პროექტის მიღების ძირითადი არსია „სახელმწიფო/აჭარის ავტონომიური  
რესპუბლიკის/ადგილობრივი თვითმმართველობის საკუთრებაში არსებული და ფიზიკური პირების მიერ  
საცხოვრებელ სადგომად გამოყენებული საცხოვრებელი და არასაცხოვრებელი ფართების შემსწავლელი  
შერეული სამთავრობო კომისიის“ საქმიანობაში ხელშეწყობა.

ბ) პროექტის ფინანსური დასაბუთება

ბ.ა) პროექტის მიღებასთან დაკავშირებით აუცილებელი ხარჯების დაფინანსების წყარო:

პროექტის განხორციელება არ მოითხოვს დამატებით ფინანსურ ხარჯებს.

ბ.ბ) პროექტის გავლენა ბიუჯეტის საშემოსავლო და ხარჯვით ნაწილზე:

ბიუჯეტის საშემოსავლო და ხარჯვით ნაწილზე პროექტის განხორციელება გავლენას არ  
მოახდენს.

გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან  
საქართველოს ორგანული კანონი „ადგილობრივი თვითმმართველობის კოდექსი“;

დ) პროექტის მომზადების პროცესში მიღებული კონსულტაციები  
აჭარის ავტონომიური რესპუბლიკის მთავრობა;

აჭარის ავტონომიური რესპუბლიკის ფინანსთა და ეკონომიკის სამინისტრო.

ე) პროექტის ავტორი:

ქ. ბათუმის მუნიციპალიტეტის მერიის მუნიციპალური ქონების და სერვისების მართვის  
სამსახური.

- ვ) პროექტის ინიციატორი:  
ქ. ბათუმის მუნიციპალიტეტის მერია.  
ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი  
და ხელმოწერა:

ქ. ბათუმის მუნიციპალიტეტის  
მერიის მუნიციპალური ქონების და  
სერვისების მართვის სამსახურის  
უფროსის მოვალეობის შემსრულებელი



დავით კოპინაძე